

於是世尊讚摶教王菩薩善哉善哉仁快說
此客差摶持之所入行所以然者此法自然
無所依怙不仰他仁已曾往過去諸佛更
問深妙摶持門故以是之故汝族姓子當作
斯觀等無有異

大哀經卷第七

過斷上於葛反咤竹嫌喚下可摶丑居文藻

暗歎音槃薰也

發九

大哀經卷第八

西晉元康年三藏竺法護譯

發十

佛告族姓子乃往過去久遠世時劫數無量
不可計會懸曠極遠不可思議爾時有佛号
離垢光如來至真等正覺明行成爲善逝世
間解無上士道法御天人師号佛世尊世界
曰善離垢劫名照明其界清淨地紺琉璃淨
如明鏡地平如掌其界之土琉璃爲地生七
寶樹枝葉華實皆亦寶成又自然生衆寶蓮
華大如車輪其色若干見者心歡其形微妙
香潔甚美寶爲交露屋宅精舍諸天人民被
服飲食猶如第六自在天上人民鮮潔行步
安詳其姪怒癡渺而薄少舉動言教其佛世
界無有日月其佛離垢光明身出大暉徧諸
佛土晨夜常明昧爽不別蓮華合者則知爲
冥蓮華開者則知爲明其離垢光如來至真
諸菩薩衆有八百億出家菩薩居士菩薩無
能限量不可稱載建立無上正真之道其佛
土地不聞異學無有異乘惟修大乘行悉淳
淑立不退轉世尊云何爲彼說法惟演空慧
空無相教佛壽半劫衆人居宅若干種寶佛
即行步皆隨時節諸天亦然其於地上立交
露帳舍宅居中名之爲人其處虛空而立屋

宅棚閣名之爲天起止飲食等無差別又其佛界無復國君惟離垢光世尊則爲無上大法之王諸天人民無各各異皆來事師各無異名所作不別無有異念惟奉如來諮詢受經典思惟其議彼無女人無罪處名無犯塵欲其土衆生惟學三度一曰禁戒二曰守心三

曰學智何謂爲戒習諸通慧心念不捨棄捐諸行何謂守心住於定意逮得神通何謂爲智住智度無極得分別辯如是族姓子有學如此名曰學度是諸菩薩不受禁戒其土清淨巍巍如是世尊說法嚴妙殊絕卓然無喻時彼佛土諸菩薩中有一菩薩名曰光首即從座起偏出右肩右膝著地叉手白佛唯然世尊所言總持爲何謂也菩薩何住諸佛所說皆能執持爲衆生演令心歡悅佛告光首又族姓子有總持名爲寶曜菩薩住此悉受諸佛之所講說悅衆生心光首又問惟願如來宣說寶曜總持其中義理我等聞之奉之如教逮

廿十
二

此總持離垢光佛尋爲光首菩薩歎此頌曰欲逮得寶曜 永除諸塵穢 於垢而無垢捨諸一切染 心常淨離著 是寶曜總持逮得此持者 其明無不照 其身口清淨光明性離垢 等意行慈心 是寶曜總持已脫三十二 解諸一切想 則離衆希望是寶曜總持 是寶曜總持解明如虛靜 絶三垢三世害貪姪恚癡 實曜總持尊入於一切聲 所遊入懷勇 大德如虛空不斷于三寶 諸所有音響 除塵諸穢濁 寶樹愛欲意世間上中下 精勤深奧法無數妙句議 不著吾我人 总持離此二速得分別辯 堅住於四道 四禪震于梵是寶曜總持 第一法藏議 啓受四等行遵修五神通 寶曜總持尊 蹄住四意止常順四勤斷 奉于四神足 是寶曜總持已受持五根 而立於五力 能修七覺意

是寶曜揔持奉於八由路化寂然所觀
至於明解脫是寶曜揔持遊戲所住地
近順解脫道除斷一切惱是寶曜揔持
照明一切世是寶曜揔持寂光之道場
是寶曜揔持眼淨爲法目^{整十}
此五陰消害天眼淨如此是佛眼清淨^三
住於此揔持亦淨於死魔是塵淨於魔
得聞上經典智慧眼曜冥^三
分別其詎趣歸命力降魔是塵淨於魔
至億那術士見姪數諸佛
以聽廣妙法意力懷揔持說法愍衆生
爲天世人宣心明發意知
解了所報應立之於尊乘
辯才無罣礙遠此揔持者說法愍衆生
精進逮揔持無數諸揔持說法愍衆生
逮此揔持勝便獲一切所說法愍衆生
正受極三昧神通自娛樂^三
若海諸水王萬川河流歸^三
諸法門無量當入此揔持說法愍衆生
其福無涯底入於無盡意悉解無窮慧^三
色像衆相好

種性慧清淨珠寶離垢掌逮揔持如此
入於深要藏懷無從生忍在不退轉地
說是揔持者無數諸菩薩求於無上道
已逮此揔持成佛不爲難十方諸最勝
說法愍衆生逮此揔持者辯才無斷絕
說法愍衆生知根意所信口未有所說
恍億姪衆生逮此揔持者辯才無斷絕
說法愍衆生知根意所信口未有所說
遠此揔持者則轉於法輪度百千衆生
立之於尊乘勇住此揔持無數那術劫
嗟歎其功勳逮此揔持者不能盡究暢
如是族姓子離垢光如來至真說此揔持竟
諸大衆中三萬二千菩薩逮此揔持光首菩
薩亦復逮得此寶曜揔持於族姓子意云何尔
時光首菩薩豈異人乎勿作斯觀所以者何
則尔身是以是之故揔持王於今堪任度諸
穢惡亦復於此諮詢如來章句通利無猶豫
心決其疑網猶是之故今世勇猛直啓前問
不難如來是決揔持宣照出間令意坦然仁
者修法自觀達故會此復重獲此揔持意懷

勇猛心自頌宣

大哀經智本慧業品第二十五

於是智積菩薩時在彼會前白佛言菩薩云
何達寶曜總持已能獲致不復忽忘益於衆生
以總持力而自立業佛告智積族姓子其有
菩薩住於智本而爲智慧業尔乃逮得寶曜

發十

四

總持不復忽忘益於衆生智積菩薩復白佛
言善哉世尊惟爲解說何謂智本何謂慧業
佛言且聽善思念之當爲汝說智積菩薩受
教而聽佛告族姓子諦聽義旨思存心懷是
爲智本如所聞法則以具足爲他人說是爲
慧業觀察分別是爲智本啓發衆會令得開
解是爲慧業隨順觀察知其根原是爲智本
隨時開化建立衆生是爲慧業修平等行而
無偏黨是爲智本奉平正行不爲邪疑是爲
慧業心無所生都無所著是爲智本雖心不
生能宣經典是爲慧業閑處靜思其心寂寘
是爲智本身心宴然而無憤亂是爲慧業心

常樂一萬事不起是爲智本識一乘道而不
違捨是爲慧業專修慳怕而能觀察是爲智
本得明解脫斷除衆冥是爲慧業遵于專一
三脫之門是爲智本證明三達去來今事是
爲慧業篤信道誼而無疑惑是爲智本度於
一切諸所罣礙是爲慧業其心不怯忘懷勇

慧是爲智本身心休息離於汲汲是爲慧業
其意安詳而不卒暴是爲智本思惟懸曠而
悉識念是爲慧業如有所歎尋即覺制是爲
智本心常正定而得其所是爲慧業遵修意
止申暢意法是爲智本意無所存亦無所念
是爲慧業奉四意斷令捨根原是爲智本則
發十五

已淨本蠲除衆瑕曉了諸法是爲慧業修學
神足忽然輕舉是爲智本已無所行而逮神
足是爲慧業習化五根根原常寂是爲智本
分別諸根之所歸趣是爲慧業住於五力勢
不可動是爲智本降魔塵勞令欲不起是爲
慧業曉了七覺逮柔順忍是爲智本分別諸

法一切自然是爲慧業合集由路通暢無滯
是爲智本若以識別浮筏譬喻其非法者立
之於法是爲慧業明識苦集而修道業是爲
智本明證盡諦智本無盡是爲慧業諷誦經
典識其句義是爲智本已通經典而能奉行
是爲慧業一切所聞皆能執持是爲智本遵
仰衆義不違其理是爲慧業於受音響而無
所著是爲智本順其經典而識正旨是爲慧
業觀諸萬物一切無常是爲智本而悉曉
了於無所行一切諸法是爲慧業觀諸萬
物一切皆苦是爲智本一切諸法計本空無
是爲慧業察一切法而無吾我是爲智本觀

諸衆生本悉清淨是爲慧業聞真諦法不懷
恐怖是爲智本分別諸法之所歸趣是爲慧
業觀察寂然泥洹憺怕是爲智本一切諸法
本淨寂滅是爲慧業聞於經義不懷猶豫畏
懼之難是爲智本曉了義理知其止歸是爲
慧業聽如審法不疑沉吟是爲智本分別辯

才剖判其本是爲慧業於一切音聽不恐懼
是爲智本隨時宣暢各令得所是爲慧業聞
佛辯才不懷弱怯是爲智本識其辯才而徧
頒宣是爲慧業爲衆生故慈奉法行是爲智
本不捨慈愍以慈加衆是爲慧業自爲己身
亦爲他人而興愍哀是爲智本俱於二事而
無所著發無盡哀是爲慧業愛喜道法而懷
悅豫是爲智本不舉不下無所違失是爲慧
業離於結縛危害之事而以觀察是爲智本
曉了已身舉動進止是爲慧業常念於佛心
無他思是爲智本明識法身而無所倚是爲
慧業常念經典識其義理是爲智本而能分
別離於欲法是爲慧業常念聖衆供養諸道
是爲智本逮於無爲觀察無塵是爲慧業常
念惠施濟諸窮厄是爲智本捨一切塵而順
道意是爲慧業常念戒禁而自謹慎是爲智
本而已習行於無所行識別禁戒是爲慧業
常念於天帝意開解是爲智本其法清淨離

卷十 六

於纖塵是爲慧業若有所聞覆疏其義是爲智本與諸世俗無所覆校是爲慧業所作事業安諦無失是爲智本而悉曉了無作無報是爲慧業不懷貢高而不自大是爲智本得無極慧而成大智是爲慧業所行爲已自省其身是爲智本爲已亦及二事俱興是爲慧

業若能執持八萬四千諸法經藏是爲智本分別八萬四千諸行是爲慧業曉了隨時而宣經典是爲智本如應講經無所違失是爲慧業開化衆生建立於道是爲智本智度無極善權方便教誨衆生立不退轉是爲慧業未曾畏懼五趣所生是爲智本所生之處多所將護是爲慧業精勤自修逮音響忍是爲智本常以修行無所懷生是爲慧業自將其節得柔順忍是爲智本若已逮得不起法忍是爲慧業發意勤修不退轉地是爲智本超然進前阿惟顏地是爲慧業其行已成坐佛樹下是爲智本所當曉了斷除疑礙解是平

卷十

七

等皆以一時發心之頃隨時順義成於無上正真之道爲最正覺是爲慧業佛欲重宣暢此義尔時頌曰

若聽受其法 啓問無放逸 斯清淨衆人
諮詢於智本 聞之則能演 慈心布諸民
其菩薩殊勝 為造慧之業 善意而思惟

是爲明智本 分別說所行 是爲慧之業
行如所順念 是則爲智本 此行爲人說
是爲慧之業 速心無所生 此則爲智本
心行無所起 是爲慧之業 淨修正真行
是則爲智本 宣暢造所行 是爲慧之業
專一寂道行 是則爲智本 身心不計我
是爲慧之業 畏難生死習 是則爲智本
愛樂一乘道 是爲慧之業 好樂寂然觀
是則爲智本 思惟明脫事 是爲慧之業
精勤三脫門 是則爲智本 明證三達智
是爲慧之業 精修四意止 是則爲智本
是爲慧之業 福惡修善行

是則爲智本 本淨除此法 是爲慧之業
勤致四神足 是則爲智本 不貪習神足
是爲慧之業 篤信淨解脫 是則爲智本
度一切罣礙 是爲慧之業 精進不倚息
是則爲智本 其志了安詳 身意已休息
是則爲智本 不住一切處 是爲慧之業
是爲慧之業 自覺識定意 是則爲智本
行本淨正受 是則爲智本 善建立五根
是則爲智本 知衆生諸根 是爲慧之業
奉行於五力 是則爲智本 慈慤得聖慧
是爲慧之業 覺意柔順忍 是則爲智本
解了一切法 是爲慧之業 勤修道精進
是則爲智本 梨指法非法 是爲慧之業
方便苦自然 是則爲智本 於證不滅盡
是爲慧之業 修持隨義典 是則爲智本
導御從義理 是爲慧之業 不厭倦諸聞
是則爲智本 履順其要行 是爲慧之業
如應求其義 是則爲智本 奉行於聖達

卷一

是爲慧之業 不倚於壽命 是則爲智本
所念如法教 是爲慧之業 求觀物無常
是則爲智本 於是知無生 是爲慧之業
信脫萬物苦 是爲慧之業 其性以清淨
是爲慧之業 解諸法無我 是則爲智本
其性以清淨 是爲慧之業 信脫泥洹寂
是則爲智本 衆生永滅度 是爲慧之業
觀察其義理 是則爲智本 覺義而分別
是爲慧之業 是則爲智本 若篤信經典
暢達於經法 是則爲智本 是則爲智本
是爲慧之業 不畏一切害 是則爲慧之業
曉了諸歸趣 是則爲智本 不畏一切害
是爲慧之業 不離佛辯才 是則爲智本
是則爲智本 建立衆生慈 是則爲智本
得無緣之慈 是則爲智本 哀已及地人
是則爲智本 不想著我人 是則爲智本
是則爲智本 不造爲恩愛 是則爲智本
是則爲智本 不悅無所起 是則爲智本
是爲慧之業 其意常念佛

是則爲智本。若隨法身教
常思惟經典。是則爲智本。
是爲慧之業。是則爲智本。
若覺了無爲。是則爲智本。
是則爲智本。思戒具清淨。
幾十
是爲慧之業。念於大神天。
是爲慧之業。若念淨復淨。
是爲慧之業。不與世同塵。
是則爲智本。善修謹勑業。
是爲慧之業。謙遜不自大。
不計五有慧。是爲慧之業。
是則爲智本。爲衆生造行。
是爲慧之業。曉了衆生行。
是則爲智本。惠施爲仁愛。
是爲慧之業。等立益衆生。
皆以等利之。視如佛功德。
正士則如是。

是爲慧之業。畏所有熾然。
思惟生於彼。是爲慧之業。
是則爲智本。興無所生慧。
是則爲智本。是爲慧之業。
若得音響忍。是則爲智本。
是爲慧之業。無所從生忍。
是爲慧之業。是則爲智本。
是則爲智本。是爲慧之業。
坐於佛樹下。是則爲智本。
是爲慧之業。計其智之本。
依枯於此心。所作爲慧業。
則能不動轉。是業爲慧事。
若修行佛道。是心道之本。
亦分別辯才。若於無數劫。
佛德及光明。不可得邊際。
現在亦如是。其過去諸佛。
其有欲供養。當順隨道心。
則成無放逸。

佛說於此智本慧業時。十方無量諸佛國土。

六返震動寶殿高座亦復如是於是智積菩薩前白佛言唯然世尊今者何故十方世界不可計會無數佛土六返震動其虛空中所立高座亦復如是佛言族姓子是智本慧業經典要品過去如來之所歎說往古世時智積菩薩在於虛空多所持護諮問如來佛為

卷十

解答是故地大震動光明普照

大哀經智積菩薩品第二十六

余時有菩薩名達分別辯前白佛言智積菩薩何故号曰為智積耶佛告族姓子乃往過去父遠世時有佛号名首寂如來至真等正覺明行成為善逝世間解無上士道法御天

發十

十一

佛

人師為佛世尊世界曰精勤劫名阿摩勒其佛世界安隱快樂衆生無患者首寂如來諸菩薩衆四萬二千諸聲聞衆八萬四千皆悉恭敬謙卑順教其佛辯才以方等經為諸菩薩興百億難歌頌悉周告諸菩薩汝等正士誰能堪任受百億難一一解說而發遣之彼諸

菩薩又報佛言過今夜已當發遣之或言七夜或言半月或言一月思惟然後乃能發遣各各自思白世尊義時彼衆會有一菩薩名曰覺意前白佛言惟願大聖我不起坐不整威儀無所思察於如來前令尊證明悉當發遣所可難議時此正士適師子吼三千大千世界六返震動其大光明普照世間以此威光告地上神四天王天忉利天焰天兜率天無惱樂天化自在天上至魔界天梵天梵身天梵滿天梵魔著天大梵天光曜天妙光天無量光天光音天嚴淨天妙淨天無量淨天難及天善見天善勝天離果天一善天空慧

天識慧天不用空慧天有想無想天悉來集會諸比丘比丘尼童士童女不可稱計亦皆來會及諸十方諸所千里悉來住立於高座前時覺意菩薩見諸大眾悉來集會承已福力意強霸力及摶持力分別辯力無所畏力奉佛威力在於佛前諸衆會中取百億難一

一諸難興百億義而發遣之不轉其時不移其座亦不起立不動膝腳所說流滑義不差錯聞者坦然若冥觀明同時會中六萬人衆皆發無上正真道意八萬四千菩薩逮得無所從生法忍首寂如來則讚之曰善哉善哉其音應時偏告三千大千世界其地上神上

至淨身諸天之衆皆聞其聲悉共咨嗟今此菩薩乃能發遣百億衆難當号名之爲智積也族姓子智積以是之故名曰智積欲知少時覺意菩薩豈異人乎莫作斯觀所以者何則是智積菩薩也

大哀經數品第二十七

於是總教王菩薩前白佛言未曾有也世尊諸佛壯雄乃能善決於是淳淑無上正真之道暢其文字不可限量入無限義難受難持解了深妙十二緣起不能勤學亦爲甚難其二行者無能及者是六情難滅坐有所著推不能解非是下劣聲聞緣覺地所能逮者是菩

薩行印一切法覆校法界則以平等猶如虛空無有作想悉無所著越所希望別衆生行修善權奉淨寂句逮得神通以等行故入佛一門無有差特不爲若干等定如空黨無等倫等無所等諸佛平等離於二事修行滅寂去諸文字導御於衆令分別解暢其音響於義無獲所得等習奉行三寶講三脫門度於三界曉了三達興發自在譬喻定意則能建立諸佛之法懷來佛慧饒益一切諸佛所歎唯然壯尊若族姓子及族姓女有能信此去來今卷十佛如是比像所講道義無量之慧以信樂至發無上正真道意將護正法聞如此經典之要持諷誦讀具爲人說得福無底則於如來爲有返復孝順報恩佛言如是如是族姓子如余所云若族姓子族姓女佛目覩見十方諸佛所現國土滿中七寶持用奉施如來至真等正覺若復有人持是經典勤諷誦

讀具足講說爲衆宣傳慇懃精進啓受正典
敬懷行之而不違斷三寶之教如是行者德超

于彼不可稱限於時世尊說此義已歎此頌曰

吾以佛眼覩諸國土諸如來等如積紫金
供諸如來福尚渺少若聞此典功德乃廣
其有應器得聽斯經深奧玄妙第一至真

已具即受持諷誦讀計此功祚爲最上尊
最勝若此常住於法從法養生不從衣食
是故當奉安住之法則爲孝順報諸佛恩
爾時世尊告衆一切諸會菩薩誰能堪任受
是過去當來現在諸佛世尊無上正真道法
之護吾滅度後於五濁世時俗憒擾能傳此

經使廣流布令其正法住在久存應時彼會
六萬億垓諸菩薩衆同時舉聲而歎頌曰

吾等衆人僉共堪任將護如來無數億劫
百千那術所集無上正真道教於後末世
當廣宣布又復大聖惟加感恩建立神德
令此經典於後末世使廣流布今衆生類

咸共奉命宣令人民得植德本已積德者
耳得逮聞

於時世尊即歎頌曰

正覺言至誠住於真諦法以此建誠信
順立于斯經彼於無盡哀而住無極慈
演愍傷衆生故建立斯經成就功德品

越諸聖慧黨降伏一切魔故建立斯經
故建立斯經天龍棟沓和普入諸所行
雜碎諸小天消化諸異學壞一切邪見
修於四梵行四王天帝釋梵王演布施
見佛多所達地神虛空天故建立斯經
四諦自莊嚴當奉持此詔將護於所部

故建立斯經虛空無色像今無色有色
佛之所建立無能動移者

於時四天王異口同音則於佛前以頌讚曰
吾等順此典佛威所將護子孫及眷屬
還逐而侍衛若有受持者精勤於道教
我等當奉事四面營翼之

於時天帝釋則於佛前歎此頌曰

吾等報佛恩 當護導師法 是神妙經者

行者得成佛

我等爲諸佛

孝順報護經

將養如是典

以此奉持法

於是梵三鉢天王則於佛前歎此頌曰

其不習放逸

越度一切衆 悉從是經生

深奧義殊絕

當捨楚天安

設此經所在

當故往聽受

亦當隨營護

於時兜率天王則於佛前歎此頌曰

其一生補處

從兜率天下 便當奉持此

佛所說經典

世間我堪任 無捐天安樂

遊住閻浮提 聽說此經典

於時麁子導師則於佛前歎此頌曰

以畢魔罪業

不復從害教 其受持此經

識義而奉行

我當擁護此 如來之經典

令興其精進

普使具足獲

於是魔波旬於世尊前歎此頌曰

吾於衆生類 不復爲敗亂

其有受持此

發十
十四

攝壞衆欲塵

諸魔不得便

說此經典者

諸佛所建立

吾當將護之

於是須深天子於世尊前歎此頌曰

諸佛之正道

此經悉演說

若有持斯經

則奉一切佛

我當執此典

爲億數天讚

勸助發道意

聞者則遵行

於是彌勒菩薩於世尊前歎此頌曰

若有志有道

其慈不須屬

擁護一切法

自出意布施

吾詣兜率天

佛之所建立

如是正像經

當本普流布

於是耆年大迦葉於世尊前歎此頌曰

吾等慧薄少

聲聞之所說

當任其勢力

執持世尊法

若有受持此

當往侍衛之

堪以宣辯才

讚之爲善哉

於時舍利弗於世尊前歎此頌曰

法猶如虛空

世護之所說

吾當將養之

奉敬斯正典

若所在方面

奉持如是經

住在於後世

將念一切族

於時耆年大目犍連於世尊前歎此頌曰
世尊今現在 清淨諸衆生 以持此經典
察義觀奉行 於百千劫中 終不歸惡趣
已受於佛波 則爲法王子

於是賢者阿難於世尊前歎此頌曰

發十

十五

我面於佛前 聞無數千經

從本未曾有

聞如是比經 今已遭此典 親從聖誥受

當令普流布 為求佛道者

爾時世尊咨嗟釋梵護世四天及諸天子菩薩聲聞善哉善哉仁等諸正士汝等乃能擁護正法又如是比演師子吼今我重囑於正士等懲懲委累其有衆人志於大乘未得法

忍若遇如此建立經典受諷誦讀常與如來而面相見如是不久當得其決成於無上正真之道若聲聞乘受佛此經當於彌勒如來至真第一會數若緣覺乘以此經典持諷誦讀吾滅度後雖無所聞成緣覺道佛說於此總教王菩薩所問經典義時無央數人皆發

無上正真道意不可計會諸菩薩衆立不退轉地不可稱載諸菩薩等逮得無所從生法忍無限世界六返震動其大光明普偏十方天雨衆華其於十方來會菩薩咸供養佛奉敬正典普及一切寶嚴高座化作寶華而俱舉聲宣暢功德吾等善利獲無極慶身自親近得至於此逮聞如是決疑經典當令世尊釋迦文尼延命久壽長存於世使此經典存闍浮提當永流布其比丘比丘尼童士童女受持如此比像經者是等亦令當蒙擁護亦使長壽常以弘恩加益衆生來蒙得度

大哀經囑累品第二十八

於是總教王菩薩前白佛言至未曾有世尊善分別說此經典義所演微妙其辭璨麗菩薩元首所當行者降制一切諸魔異學方便隨時導御諸典而復悅可得衆生心出生一切諸乘之行悉入如來無極功勳親具諸願顯現大道是經典者所名爲何云何奉行佛

告總教王菩薩是經等如來大哀佛所宣教
當奉持之聞如來善財未曾虛妄當奉持之
佛說如是總教王菩薩十方世界來會開士
諸大弟子釋梵四王天龍鬼神犍沓和阿須
倫迦留羅真陀羅摩跋勒比丘比丘尼童子
童女一切衆會諸天世人聞佛所說莫不歡
喜

大哀經卷第八

發十

棚閣上步庚
反機一浮筏下音伐東竹木
渡水也亦作拔恭恪下苦
各反覆

疏上音福
下音疎